

憲
總校官侍郎 高 崇

學士 瞿景淳

分校官 傅 振 丁 士 美

書寫辦事官 梅 元 燭

點點監生 呂 書 長 化


白 馬 宗 堯

永樂大典卷之五千二百四十五

十三蕭


遼州

遼









建置沿革

大明清類天文分野書高貢冀州之域 周戰國屬韓秦為上黨郡漢為
涅縣地屬上黨郡後漢因之晉屬樂平郡隋開皇十年於潞陽故城置遼
山縣屬并州唐武德三年分并州之樂平等四縣置遼州治樂平縣六年
自樂平移於遼山縣以榆州之榆社平城二縣為屬邑八年改冀州先天
元年改儀州天寶元年改樂平郡乾元初復為儀州五代梁開平三年復
為遼州宋熙寧七年廢隸平定軍元豐八年復置遼州金天眷二年移城
於近南二里今治是也元屬平陽路

本朝洪武九年直隸山西布政司 遼山縣 漢涅氏縣地屬上黨郡後漢
因之晉改潞陽縣屬樂平郡元魏太武併入武鄉明帝置遼陽縣北齊省
隋開皇十年置為遼山縣屬并州十六年屬遼州大業初州罷屬太原郡
唐武德三年復屬遼州六年自樂平移遼州治于此宋熙寧七年州罷隸
平定軍元豐八年復置遼州金元並為遼州倚郭縣

本朝併入遼州國經志遼州本州國經志附見於平陽志中殘缺簡畧今重

別考訂于后 按本州乃高貢冀州之域春秋屬晉戰國屬韓秦為上黨
郡金置刺史九域志云遼陽城乃顯項氏之子祝融所建也又按本州東

城門記云春秋時在晉曰箕州在衛曰夷儀在漢為涅氏魏晉因之隋開皇拾陸年置遼州大業二年廢為遼山縣唐地理志改為樂平郡武德三年析并州之樂平遼山平城石艾置州徙今治遼山八年改曰箕州先天元年避玄宗諱改曰儀州中和三年復為遼州宋熙寧七年廢元豐八年復升為州金天眷二年為南遼州古城在次北古老云東近枯河漲潦摧毀故移於此前元復為遼州隸屬平陽府領肆縣遼山榆社和順儀城至元三年復將儀城併入和順

本朝因之仍曰遼州省遼山縣管二縣曰榆社和順直隸山西省 縣分

榆社縣 和順縣 縣志熙寧七年州廢隸平定軍元豐八年復置元祐

元年盡復舊制隸三縣未屬 歐陽脩併縣奏狀臣近自威勝軍至遼州

體量得遼州州界東西二百五十里南北一百五十九里所管戶口主客

二千七百餘戶地畝人戶不及一中下小縣而分建一州四縣各不及一

鎮人烟虛立縣名枉官吏諸色役人戶凋零差役繁重以臣相度可

以將帶就近分割併省庶使減省官吏寬舒民役 縣四 遼山 和順

榆社 平城 太平寰宇記 遼州樂平郡今理遼山縣 為晉箕州之域

春秋時其地屬晉戰國屬韓秦為上黨郡地今州即漢上黨郡之涅縣地

也。後漢於此置陽河縣屬上黨郡。晉改為潞陽。屬樂平郡。後魏大武併之。
武鄉明帝改縣陽為遼陽。隋開皇十年置遼山縣屬并州。十六年屬遼州。
即今州理。唐武德三年分并州之樂平和順平城石艾四縣置遼州治樂
平。其年置義興縣。六年自樂平移於遼山。仍以石艾樂平二縣屬受州省。
義興縣以廢。榆州之榆社平城二縣來屬。八年改遼州為箕州。因遼山縣
界箕山為名。先天元年以興玄宗諱同聲改為儀州。因州東夷儀縣為名。
天寶元年改為樂平郡。乾元元年復為儀州。梁開平三年以兗州管内有
沂州其儀州復為遼州。元領縣四。遼山榆社平城和順。遼山
縣傳舊五縣河東圖云和順縣晉大夫梁紇子養邑秦伐開與趙奢救之
奢曰譬如兩崖間穴中將勇者勝是此地也在漢為涅縣之地。後漢於此
置陽阿縣俱屬上黨郡。晉改為縣陽縣屬平樂郡。後魏大武併入五鄉。明
帝改縣陽為遼陽。隋初改置遼山縣屬并州。因縣西北縣山為名。平城
縣西北九十里。休有三鄉本漢涅縣地。晉置武鄉縣地屬焉。隋開皇十六
年於趙簡子所立平郡故城置平城縣屬遼州。大業二年改屬并州。唐武
德三年改屬榆州。六年省榆州改屬遼州。貞觀八年改屬箕州。先天元年
改屬儀州。九域志下遼州樂平郡軍事。熙寧七年廢。隸平定軍。元豐八

年復罵治遼山縣 縣一熙寧七年廢遼州者平城和順二縣為鎮入遼
山縣隸平定軍者榆社縣為鎮入威勝軍或鄉縣元豐八年復置遼州縣
鎮並復來隸 下遼山二鄉隸社平城和順三鎮黃澤一寨有遼陽山巨
掌山遼陽水清潭水

官制

國朝官制 知州從五品 同知從六品 判官從七品 吏目未入流
儒學學正未入流 訓導未入流 僧正司僧正未入流 道正司道正
未入流 陰陽學典術未入流 醫學典科未入流 十八盤巡檢司巡
檢從九品 南關驛丞未入流

公署

圖經志按察分司衙在城內州衙東街北 遼州志按察司在城惠民坊
街北 州衙在城內正中街北 遼州志州衙在按察司衙門西一百四十
六步 行用庫在城州衙西街北 遼州志行用庫在城叢桂坊街北 稅
課局在城西門外街南 遼州志稅課局在城西關永豐坊街南 惠民藥
局在州衙東街北 廣平倉在州衙街東 遼州志廣平倉在宣化坊街東
大濟倉在州衙東街北 遼州志大濟倉在城州衙東

城池

遼州志州城周圍四里九十步

坊鄉

遼州志東惠民坊 南宣化坊 西勤政坊 叢桂坊 永豐坊 鄉

黃章鄉 蘇亭鄉 長城鄉 王莊鄉 常義鄉 高莊鄉 廣南鄉

豐墩鄉大一統志遼山縣 黃章管 蘇亭管 長城管 王莊管 常

義管 豐墩管 高莊管 廣南管 在城社 西社 東社

渠堰

遼州志本州乃太行絕頂所種田地皆山坡峻嶺非平川廣野並無渠堰

里路

圖經志四至 遼州 東至彰德府磁州武安縣界管頭村一百四十里

南至沁州武鄉縣界墨鏗村四十里 西至太原府太谷縣界黑峯嶺一

百九十里 北至平定州樂平縣界冶頭村一伯三十五里 八到 東

到彰德府磁州三百里 東南到潞州三百五里 南到沁州二百四十

里 西南到沁州二百二十里 西到太原府四百里 西北到太原府

三百七十里 北到平定州二百四十里 東北到順德府三百里

遼州志四至 東至磁州武安縣管頭村界一百二十里 西至本州榆
 社縣武鄉鎮界五十里 南至沁州武鄉縣星路村界四十里 北至本
 州和順縣趙村界五十五里 八到 東到磁州武安縣二百一十里
 西到本州榆社縣一百里 南到沁州武鄉縣一百八十里 北到本州
 和順縣一百里 東南到沁州黎城二百一十里 西南到沁州武鄉縣
 一百五十里 東北到本州和順縣九十里 西北到本州和順縣一百
 三十五里 郡縣志州境 東西一百五十里 南北一百五十九里 四
 至八到 東京七百里 東至磁州二百四十里 西至太原府三百四十
 里 南至隆德府三百三十二里 北至太原府四百四十六里 東南
 至隆德府三百一十五里 西南至隆德府三百三十五里 東北至那
 州三百四十六里 西北至太原府三百四十五里 太平寰宇記 四
 至八到 東南至東京七百里 西南至西京七百八十里 西南至長
 安一千六百四十里 東至磁州三百四里 西至并州三百四十五里
 南至潞州三百三十一里 北至平定軍樂平縣一百七十里 東至
 潞州黎城縣一百九十五里 東北至邢州三百四十二里 九域志
 遼州地里東京七百里 東至本州界一百一十四里 自界首至磁州一

百九十里。西至本州界一百八十里。自界首至太原府一百六十里。
南至本州界一百三十里。自界首至潞州二百二里。北至本州界一百
二十六里。自界首至太原府三百四十里。東南至本州界一百九十五
里。自界首至潞州一百二十里。西南至本州界一百六十五里。自界首
至潞州一百六十七里。東北至本州界一百六十八里。自界首至潞州
一百七十八里。西北至本州界一百八十五里。自界首至太原府一百
六十里。元一統志。遼州北至上都一千九百里。北至大都一千二
百里。西南至本路六百里。東至磁州武安縣管頭村一百四十里。
南至沁州銅鞮縣墨墜村四十五里。西至太原府榆次縣傾城村一百
四十里。北至平定州樂平縣界一百五十里。東到磁州三百四十里。
東南到彰德四百里。南到潞州三百里。西南到沁州二百里。西
到汾州三百五十里。西北到太原府三百里。北到平定州二百四十
里。東北到順德府三百里。遼山縣。北至上都一千九百里。北至
大都一千二百里。西南至本路平陽府六百里。東至磁州武安縣管
頭村界一百四十里。南至沁州銅鞮縣墨墜村界四十五里。西至榆
社縣店橋村界五十五里。北至和順縣窰堤村界五十里。東到磁州

武安縣二百四十里 東南到真定路涉縣一百八十里 南到潞州襄垣縣一百八十里 西南到沁州銅鞮縣二百里 西到本州榆社縣一百里 西北到儀城縣一百二十里 北到本州和順縣九十里 東北到順德路邢臺縣三百里

山川

圖經志遼山 在城東三里勢如孤塚高一里盤踞二里上有遼陽神廟曩因兵燹屋宇毀棄不存有遺址在焉 五指山 在城東北九十五里高一里盤踞二里半山石壁中有一手跡其大如箕五指掌文俱備故名五指山太平寰宇記 李務叔題記云遼陽東北有五指山巖石孤聳上有手一足之迹其大如箕指數俱全又郡國志云北齊宣王遣人量之長七尺又十六國春秋云石勒嘗生之時北山上草木皆為鐵肘之形矣遼州志箕山 在州城東南七十里高三里盤踞五里山勢雄偉林木森鬱東接太行山北連恒嶽按州界石云州先為箕蓋取此山名也太平寰宇記 箕山上有許由冢按伯夷列傳曰余登箕山上有許由冢後魏風土記云太原郡箕山有許由冢別號又云在今潞州沁陽縣不當在此其山有石室方四大壁中文字篆書人莫能識又有鬼谷元一統志千秋原

在遼山縣東南三十里蓋州境多山惟此地方千畝平原膏腴人賴其利
太平寰宇記遼陽山 在州東三里南入遼州黎城縣界 斷孤山 在

州南十五里其山南高於衆山西面孤絕有斷孤水出焉 三臺嶺 後
魏書云武鄉有三臺嶺 遼陽川 在遼陽城西東過至山東西二十里

中間遼陽水通流 遼陽水 從平城縣西北八賦嶺下出名八賦水東
南流經古遼陽城南過謂之遼陽水又東過合清洛水號漳水 清谷水

水經注云清谷口水源出東北長山清谷亦云遼山縣西南黃巖山先
軫所出也 元一統志 榆社縣西二里有漳水自縣北紅花嶺發源經縣

西南流入平鄉縣界 和順縣西北石炭嶺二支漳水發源東南流二里
相合而下入遼山縣界今入遼州清漳水 出太原樂平縣界沾嶺下地

理志前漢上黨郡有沾縣注水經云漢分沾縣爲樂平郡治沾縣 龍泉
水 在州東三十里山側有穴闊一丈去地一百尺流注不絕如龍之吐

故曰龍泉 南八賦水 在平城縣西三十里出南八縣嶺東流入榆社
縣界今入遼州 北八賦水 在平城縣西北十四里出北八賦嶺東流

入遼山縣界今入遼州圖經志漳河 在城南一里其河二源其一自和
順縣西儀城界發源經由本州南一里下流其一自和順縣石炭嶺發源

經由本州東七十里南流至交漳村三水相合下流入潞州黎城縣界達
州志千畝泉 在州南三十里邦人建廟其傍上有高原地勢平闊若干
畝然其下峭壁屹立松栢蒼茂佐石突兀中有二穴泉自石出清流不息
故名爲千畝泉遇有水旱祈禱輒應自唐加號曰通利侯元錫號爲千畝
靈泉之神每歲於五月初五日致祭其廟前元至正三年五月立碑圖經
志元雅德彌實千畝靈泉廟碑 遼陽郡治東南三十里有千畝山山之
北有廟廟曰通利侯考之載藉神之在祀典也久矣自唐而加號焉神居
是山勢枕太行群峰星拱松栢蒼茂佐石突兀鬱然而陰燦然而榮觀其
層巒聳翠碧樹留煙其爲山也秀矣廟之西南又有泉自石出清流不息
環遶其間究其源則莫知其來亘古今而不涸其爲泉也靈矣侯之爲神
能驅龍致雨呼吸風雲護民稼穡其爲功也大矣故邦人賴侯之福以生
春秋以祀之朔望以禮之有司時加致祭焉至正壬午夏彌月不雨多稼
將枯州之官慮民憂色而相告曰歲不成民不能保其命爲民牧者當思
何如衆乃齋沐恭謁侯廟一禱而雲雨沛然農民告足歡聲達於四野呼
侯之牧民以輔我皇元好生之德爲功誠大矣哉越明年癸未春監州高
昌也先怯里達失公白於僚吏曰昔者侯賜甘露他郡之所無有茲境群

黎舍餉鼓腹而樂豐盛之歲非侯之力耶然無誠以報侯之功豈事神之
道歟侯之廟遠覽煙霞近觀山色美且秀矣特無三門以廣侯之居可乎
僚吏欣協厥謀曰善哉斯言亦是公之事神也克敬官乃指僚屬功而又
訪於民民曰此衆之久欲爲也官其先乎言未既即斯材於山僦工於市
而民子來不逾月木工告成乃墻乃象乃繪乃門高山在前流水在下宏
其舊制煥然一新噴侯之澤被於民也厚故民之趨功也勦監州縣僚屬
喜神之靈樂民之助屬余以記之余曰學識淺近恐不能揚侯之德固辭
之不獲乃筆之曰民賴神以護此邦福斯民於不已則民奉神之祀著神
之功於無窮以慰我聖朝育民之意矣 承事郎前江浙省鄉貢進士雅
德彌實撰

土產

遼州志青麻皮

藥材

木猪苓

太平寰宇記

人參貢

元一統志

鐵 遼山縣有治

炭

遼山縣有炭一處

和順縣有炭一處

麻布

遼山縣榆社縣和順縣俱出

山縣有炭一處

和順縣有炭一處

麻布

遼山縣榆社縣和順縣俱出

風俗

圖經志其民貧儉朴實少文地無出產惟以力田爲務其地居太行絕頂

石厚土薄，氣候甚寒，不宜貳麥。雨多則禾稼不熟，歲旱乃收。郡志：崇寧
記蕃菜相雜，好武少士。元一統志：其民信實純厚。

戶口

遼州志：軍民等戶九百三十九戶，計四千九百二十八口。男子二千四百
百九十七口，婦女二千四百三十一口。舊唐書：戶四千三百六十五
口，八萬八千六百四十。天寶戶九千八百八十二口，五萬四千五百八
十。郡志：唐開元戶七千九百九十五，宋元豐戶七千三百十五。
寰宇記：宋戶主二千七百一十七，客四千七百五十四。九域志：戶
主五千五百七十八，客一千七百二十五。

關隘

遼州志：黃澤關在州城東南一百二十里，絕太行，絕頂山勢險峻，東西一
徑往來難通。車馬下山，則盤踞曲折，故名曰十八盤。東達彰德，開封等府
前元設立十八盤巡檢司，仍立巡檢司守把其地。驛傳除設立急遞鋪
外，緣係僻道，自來不曾設立站驛。總急遞鋪在城州衙西街北一百五
十步。北至曹家寨一鋪，平王村一鋪，至和順界石鼓嶺鋪。西至王
劉莊一鋪，西張村一鋪，洪渡村一鋪，黃巖村一鋪，至榆社縣界武鄉。